

**PEBA KIN MELELE KO REJIMWE ÑAN ARMIJ RO REJ BÖKE IM  
ARMIJ RO REJ LALE ER**

**KÖMELIM ÑAN KÖJERBAL ILO IDIN IEN (EUA)**

**KIN**

**WĀ IN NOVAVAX COVID-19, EMÖJ KAKAJURLOK ÑAN BÖBRAE JEN NAÑINMIJ IN CORONAVIRUS 2019 (COVID-19)**

**Ñe rej kajeon in lewaj Wā in Novavax COVID-19 Vaccine, Emōj Kakajurlok ñan bōbrae jen Nañinmij in Coronavirus 2019 (COVID-19) ear walok jen nañinmij in emmenono eo ekauwōtata coronavirus 2 (SARS-CoV-2).**

**Emōj an Wā in Novavax COVID-19 Vaccine, Emōj Kakajurlok ñan bōbrae jen Nañinmij bōke Kōmelim eo ñan Kōjerbal ilo Idin Ien (EUA) jen Opij eo an Amedka ej Bōk Eddon Kakien Mōñā im Wūno (FDA) ñan lelok ruo wā ko jinoin ñan kajojo armij ro 18 aer yiō im rūttolok.**

Ewōr melele ko ilo Peba in kin Melele ko Rejimwe ñan jibañ kwe melele kin uwōta im jibañ ko jen Wā in Novavax COVID-19 Vaccine, Emōj Kakajurlok ñan bōbrae jen Nañinmij, kinke kwōmaron bōke kin an wōr juon jorrān in COVID-19 ilo ien in emōj an jelōte aoleben lal in. Kenono ibben armij eo ej lewaj wā eo am elañe ewōr am kajitōk.

Wā in Novavax COVID-19 Vaccine, Emōj Kakajurlok ñan bōbrae jen Nañinmij emaron jab kejbarok aoleb.

Emaron kar kōkkāāl melele ko kobban Peba in kin Melele ko Rejimwe. Ñan Peba eo kin Melele ko Rejimwe ekkāāltata, jouj im lale <http://www.NovavaxCovidVaccine.com>.

**TA EO KWŌJ AIKUJ JELĀ MOKTA JEN AM BÖKE WĀ IN**

**TA IN COVID-19?**

COVID-19 ej walok jen coronavirus eo etannin SARS CoV-2. Jejañin loe kain coronavirus rōt in. Kwōmaron bōke COVID-19 ilo am bed iturin bar juon armij eo ewōr nañinmij in ibben. Elablok an nañinmij in emmenono im ej jelōte mōttan ko jet ilo enbwinnid. Armij ro ewōr COVID- 19 ibbeir emōj aer kōjella kin eloñ kain kakōlkōl ko roktak, jen kakōlkōl ko redik ñan kauwōtata. Kakōlkōl ko remaroñ walok iomwin 2 ñan 14 raan ālikin am kar kebaak kij in nañinmij eo. Kakōlkōl ko remaron ekoba: pipa ak bio, pokpok, kajjinōk, mōk, metak majel ak enbwin, metak bar, ekāāl an ejellok neman ak bwin jabdewōt, metak būro, bōn ak toor boti; maloñloñ ak mōmmo; bidodo loje.

**TA WĀ IN NOVAVAX COVID-19, EMÖJ KAKAJURLOK ÑAN BÖBRAE JEN NAÑINMIJ?**

Wā in Novavax COVID-19 Vaccine, Emōj Kakajurlok ñan bōbrae jen Nañinmij ej juon wā eo ejañin kōmelim im emaron bōbrae jen COVID-19.

Emōj an FDA kōmelim kōjerbal ilo idin ien Wā in Novavax COVID-19 Vaccine, Emōj

Kakajurluk ñan bōbrae jen Nañinmij ñan bōbrae jen COVID-19 ibben kajojo armij ro 18 aer yiō im rūttolok iomwin juon EUA.

Ñan melele ko relablok kin EUA, lale “**Ta in juon Kōmelim ñan Kōjērbal ilo Idin Ien (EUA)?**” jikin eo ilo jemlokin Peba in kin Melele ko Rejimwe.

## **TA EO KWŌJ AIKUJ BA ÑAN ARMIJ EO EJ LEWAJ WĀ EO AM MOKTA JEN AM BŌKE WĀ IN NOVAVAX COVID-19, EMŌJ KAKAJURLOK ÑAN BŌBRAE JEN NAÑINMIJ?**

Ba ñan armij eo ej lewaj wā eo am kin aoleb nañinmij ko am, ekoba elañe ewōr am:

- jabdewōt men ko kwōj kadeki ak abnōnō jeñi
- emōj an kar wōr am myocarditis (ebbōj ilo majel in menono) ak pericarditis (ebbōj ilo tōrerein menono)
- ewōr piba
- ewōr nañinmij in bōtōktōk ak kwōj ebōk wūno in jolok mekak in bōtōktōk
- emojno an enbwinnim maron bōbrae jen nañinmij ak kwōj idaak wūno ej kōmman an mojno an enbwinnim bōbrae jen nañinmij
- kwōbōroro ak kwōj bebe ñan am bōroro
- kwōj kaninnin
- emōj ke am kar bōke bar juon wā in COVID-19
- emōj am kar lotlok jen wā

## **WOÑ EO AIKUJ JAB BŌKE WĀ IN NOVAVAX COVID-19, EMŌJ KAKAJURLOK ÑAN BŌBRAE JEN NAÑINMIJ?**

Kwōjab aiku j bōke Wā in Novavax COVID-19, emōj Kakajurlok ñan Bōbrae jen Nañinmij elañe emōj am:

- ekkar wōr am abnōnō kauwōtata ear walok jen wā in moktalok
- ekkar wōr am abnōnō kauwōtata ear walok jen jabdewōt men ko kobban wā in

## **TA KO KOBAN WĀ IN NOVAVAX COVID-19, EMŌJ KAKAJURLOK ÑAN BŌBRAE JEN NAÑINMIJ?**

Ewōr kobban jipaik in protein eo an SARS-CoV-2 ilo Wā in Novavax COVID-19, Emōj Kakajurlok ñan Bōbrae jen Nañinmij. kōmman jen baculovirus ear bōk nañinmij jen Sf9 (fall armyworm) jeel ko an lōn jidik im Matrix- M™ kobban ko rekajur ñan bōbrae jen saponins rar walok jen kobban wōjke (*Quillaja saponaria* Molina). Mōttan ko jet kobban wā eo ekoba cholesterol, phosphatidylcholine, potassium dihydrogen phosphate, potassium chloride, disodium hydrogen phosphate dihydrate, sodium chloride, disodium hydrogen phosphate heptahydrate, sodium dihydrogen phosphate monohydrate, polysorbate 80, im aeboj ñan aer lewaj kin wā. Emaron wōr mōttan jidik in baculovirus im jeel in protein im DNA an lōn jidik ko iloan wā eo.

## **EWI WĀWEEN AER LEWAJ WĀ IN NOVAVAX COVID-19, EMŌJ KAKAJURLOK ÑAN BŌBRAE JEN NAÑINMIJ?**

Renaj lewaj Wā in Novavax COVID-19, Emōj Kakajurlok ñan Bōbrae jen Nañinmij ñan kwe ilo aer waiki majel eo enbwinnim.

Rej lelok Wā in Novavax COVID-19, Emōj Kakajurlok ñan Bōbrae jen Nañinmij. kin ruo wā, 3 wiik alikin doon.

## **EMŌJ KE KAR KŌJERBAL WĀ IN NOVAVAX COVID-19, EMŌJ KAKAJURLOK ÑAN BŌBRAE JEN NAÑINMIJ MOKTALOK?**

Wā in Novavax COVID-19, Emōj Kakajurlok ñan Bōbrae jen Nañinmij ej juon wā eo rejañin kōwebben. Ilo katak in wūno ko, tarrin 25,000 kajojo armij ro 18 aer yiō im rūttolok emōj aer bōke ruo wā ko jen Wā in Novavax COVID-19, Emōj Kakajurlok ñan Bōbrae jen Nañinmij.

## **TA JIBAÑ KO JEN AD BŌKE WĀ IN NOVAVAX COVID-19, EMŌJ KAKAJURLOK ÑAN BŌBRAE JEN NAÑINMIJ?**

Emōj ad loe ke Wā in Novavax COVID-19, Emōj Kakajurlok ñan Bōbrae jen Nañinmij ej letōk ad kein bōbrae jen COVID-19. Ejañin wōr melele joñan aitok ad maron bōbrae jen COVID-19.

## **TA UWŌTA KO REMARON WALOK JEN WĀ IN NOVAVAX COVID-19, EMŌJ KAKAJURLOK ÑAN BŌBRAE JEN NAÑINMIJ?**

Elukkun dik an Wā in Novavax COVID-19, Emōj Kakajurlok ñan Bōbrae jen Nañinmij maron lewaj juon abnōnō kauwōtata. Juon abnōnō kauwōtata ekkā an walok alikin jet minit ñan juon awa jen ien eo kwar bōke Wā in Novavax COVID-19, Emōj Kakajurlok ñan Bōbrae jen Nañinmij. Kin mennin, jikin eo ej lewaj wā emaron kajitōk am kattar ilo jikin eo rar waiki eok ñan aer lale kwe ñe ewōr abnōnō ibbam alikin am wā. Kakōlle ko kin juon abnōnō kauwōtata emaron koba:

- Abañ in emenono
- Ebbōj iturin mejam im buruom
- Mokaj an paam menono
- Nennab eo enana ilo aoleben enbwinnim
- Addeboulul im mojno

Myocarditis (ebbōj ilo majel in menono) im pericarditis (ebbōj ilo torerein menono) emōj an walok ibben jet armij ro rar bōke wā eo. Ilo eloñ ian armij rein, kakōlkōl kein rar jino iloan 10 raan alikin aer kar wā. Elukkun dik an maron walok mennin. Kwōj aikuj bukōtlōk taktō ilo ien eo wōt elañe jabdewōt kakōlkōl kein laajrak renaj walok alikin am bōke wā eo:

- Metak ob
- Kajjinōk
- Am enjaak an mokaj an paam menono, ibikbik, ak lab an paam menono

Abnōnō ko rar walok alikin wā im emōj kōjella kaki ilo katak ko an wūno ibben Wā in Novavax COVID-19 ekoba:

- Myocarditis (ebbōj ilo majel in menono)
- Pericarditis (ebbōj ilo tōrerein menono)
- Abnōnō ko rej walok ilo jikin eo rar wakare, metak/bin, ebbōj, būrōrō, im mōnejnej
- Abnōnō ko ekkā aer walok: mōk im ekkā an ejab emmon mour, metak majel, metak bar, metak jimwin ba im ne, mōlanlōn, mōmmo, piba, biō
- Abnōnō ko rej walok einwōt nennab im ebbōj iturin māj
- Ebbōj in lōpper

Abnōnō ko emōj kōjella kaki allikin kōmelim eo ñan kōjēbal ilo aelon ko inabojin Amedka kin Wā in Novavax COVID-19, Emōj Kakajurlok ñan Bōbrae jen Nañinmij ekoba:

- Abnōnō ko rekauwōtata
- Myocarditis (ebbōj ilo majel in menono)
- Pericarditis (ebbōj ilo tōrerein menono)

Emaron ejab aoleben abnōnō ko kein remaron walok jen Wā in Novavax COVID-19, Emōj Kakajurlok ñan Bōbrae jen Nañinmij. Abnōnō kauwōtata im jejjab katmani remaron bar walok. Rej katak wōt kin Wā in Novavax COVID-19, Emōj Kakajurlok ñan Bōbrae jen Nañinmij ilo katak ko an wūno.

## TA EO IJ AIKUJ KŌMMANE JEN ABNŌNŌ KO REJ WALOK JEN WĀ IN?

Ñe kwōj ioone juon abnōnō eo ekauwōtata, kūrlok 9-1-1, ñe ejab etal ñan aujbitol eo ebaaktata ñan kwe.

Kūrlok jikin wā eo ak taktō eo am elañe ewōr jabdewōt am jorrāān ko kwabnōnō kaki ak rejab jako.

Kōjella kin abnōnō ko rej walok jen wā ñan FDA im Opij eo ej bōk eddon kejjabarok im bōbrae jen nañinmij (CDC) **Kein Jerbal eo kin Kōjella kin Abnōnō ko rej Walok jen Wā (VAERS)**. Nomba eo an VAERS ejellok wonnen kūrlok ej 1-800-822-7967 ñe ejab kōjella online ñan <https://vaers.hhs.gov/reportevent.html>. Jouj im likūt “Novavax COVID-19 Vaccine, Adjuvanted EUA” ilo lain eo kein kajuon ilo bok #18 in peba in kōjella eo.

Im bareinwōt, kwōmaron kōjella kin abnōnō ko rej walok jen wā eo ñan Novavax, Inc., ilo melele ko ñan am kebaak er im emōj lewaj ijin lal.

Website	Nomba in fax	Nomba in talebon
<a href="http://www.NovavaxMedInfo.com">www.NovavaxMedInfo.com</a>	1-888-988-8809	1-844-NOVAVAX (1-844-668-2829)

Remaron bar lewaj juon wāween ñan am kadeloñ etam ilo **v-safe**. **V-safe** ej juon kein jermal ilo smartphone ekaal im an armij make bebe in kōjerbale ej kōjermal text majej im waanjoñok ko ilo bwe ibben armij ro emōj aer wā ñan kalikar abnōnō ko remaron walok alikin aer bōk wā eo an COVID-19. **V-safe** ej lelok kajitōk ko rej jibañ an CDC lale an ejellok jorrāān ilo wā ko an COVID-19. **V-safe** ej bar lelok bwe ren lale ilo talebon ibben CDC elañe armij ro renaj ripoot kin jorrāān in ejmour eo elab joñan alikin aer bōk wā eo an COVID-19. Ñan melele ko relablok kin wāween am kadeloñ etam, lale: [www.cdc.gov/vsafe](http://www.cdc.gov/vsafe).

## AK ÑE INAJ KELET IN JAB BŌKE WĀ IN NOVAVAX COVID-19, EMŌJ KAKAJURLOK ÑAN BŌBRAE JEN NAÑINMIJ?

Iomwin EUA eo, am bebe in bōke ak jab bōke Wā in Novavax COVID-19, Emōj Kakajurlok ñan Bōbrae jen Nañinmij. Ñe kwōnaj kelet in jab bōke wā in, eban janiji joñan aer lewaj jibañ in kōmadmōd ko jen taktō.

## **EWŌR KE WŪNO KO JET ÑAN BŌBRAE JEN COVID-19 IJELLOKUN WĀ IN NOVAVAX COVID-19, EMŌJ KAKAJURLOK ÑAN BŌBRAE JEN NAÑINMIJ?**

Kelet ko jet ñan bōbrae jen COVID-19 rej COMIRNATY (Wā in COVID-19, mRNA) im SPIKEVAX (Wā in COVID-19, mRNA), Wā in COVID-19 ko emōj an FDA kōmelim. Emaron wōr wā ko jet ñan bōbrae jen COVID-19 iomwin EUA.

## **IMARON KE BŌKE WĀ IN NOVAVAX COVID-19, EMŌJ KAKAJURLOK ÑAN BŌBRAE JEN NAÑINMIJ ILO JUON WŌT IEN IBBEN WĀ KO JET?**

Ejañin etal melele ñan FDA kin kōmadmōdin aer lelok Wā in Novavax COVID-19, Emōj Kakajurlok ñan Bōbrae jen Nañinmij ilo ejjā juon wōt ien ibben wā ko jet. Ñe kwōj lomnak in bōke Wā in Novavax COVID-19, Emōj Kakajurlok ñan Bōbrae jen Nañinmij ibben wā ko jet, kenono kin ta ko jet kwōmaron bōki ibben taktō eo am.

## **AK ÑE IBŌRORO AK IJ KANINNIN?**

Ñe kwōbōroro ak kwōj kaninnin, kenono kin ta ko jet kwōmaron bōki ibben taktō eo am.

Ewōr juon jikin kadeloñ āt an ro rebōroro im rar kebaak nañinmij im ej lale ta ko rej walok ibben kora ro rebōroro jen Wā in Novavax COVID-19, Emōj Kakajurlok ñan Bōbrae jen Nañinmij ilo ien aer bōroro. Kora ro rej wā kin Wā in Novavax COVID-19, Emōj Kakajurlok ñan Bōbrae jen Nañinmij ilo ien aer bōroro emōj rōjañ aer kadeloñ ettaer ilo jikin kadeloñ āt eo ilo aer etal ñan <https://c-viper.pregistry.com/>.

## **WĀ IN NOVAVAX COVID-19, EMŌJ KAKAJURLOK ÑAN BŌBRAE JEN NAÑINMIJ ENAJ KE LETŌK COVID-19 ÑAN NA?**

Jab. Wā in Novavax COVID-19, Emōj Kakajurlok ñan Bōbrae jen Nañinmij ejellok SARS-CoV-2 kobban im eban lewaj COVID-19 ñan kwe.

## **KEJBAROK KAAT IN WĀ EO AM**

Ilo ien am bōke wā eo am kein kajuon, kwōnaj bōke kaat in wā eo am ñan kwalok ñaat eo kwōnaj roolok ñan wā eo am kein karuo kin Wā in Novavax COVID-19, Emōj Kakajurlok ñan Bōbrae jen Nañinmij. Kememej in boktok kaat eo am ilo ien am rooltok.

## **MELELE KO RELABLOK**

Ñe ewōr am kajitōk, lale website eo ñe ejab kūrlok nomba in talebon eo emōj

lewaj ilal. Ñan loe Peba ko kin Melele ko Rejimwe rekāāltata, scan ae kakōlle

in QR eo emōj lewaj ijin lal.

<b>Website eo an Wā in Novavax COVID-19</b>	<b>Nomba in talebon</b>
---	-------------------------

[www.NovavaxCovidVaccine.com](http://www.NovavaxCovidVaccine.com)



1-844-  
NOVAVAX (1-  
844-668-2829)



## **EWI WĀWEEN AŌ BŌK MELELE KO RELABLOK?**

- Kajitōk ibben jikin eo ej lewaj wā eo
- Lale ibben CDC ilo <https://www.cdc.gov/coronavirus/2019-ncov/index.html>
- Lale ibben FDA ilo <https://www.fda.gov/emergency-preparedness-and-response/mcm-legal-regulatory-and-policy-framework/emergency-use-authorization>
- Kebaak opij eo an ejmour an state bukon eo am

## **IA EO RENAJ KAKWŌNE MELELE IN WĀ EO AŌ?**

Jikin eo ej lewaj wā eo emaron kobaiki melele in wā eo am ilo Kein Jerbal eo an Melele in Wā an state/jukjukinbed eo am (IIS) ak ilo bar juon kein jermal. Mennin enaj lolorjak am bōke ejjā wā eo ilo ien am roolok in bōke wā eo kein karuo. Ñan melele ko relablok kin IIS, lale: <https://www.cdc.gov/vaccines/programs/iis/about.html>.

## **REMARON KE LETŌK JUON WONNEN KŌMADMŌD KIN AŌ BŌKE WĀ IN COVID-19 EO?**

Jab. Ilo ien in, jikin eo ej wāiki eok eban lewaj wonnen wā eo im kwōban elo wonnen eo kwōj make kolla kin aer kōmadmōde wā eo ak jabdewōt bar wonnen elañe kwōj bōke wōt wā in COVID-19 eo. Bōtab, ro rej lewaj wā remaron kabōk an roolok wonnen eo jen juon burokraam ak injuran eo ej kollaiki wonnen aer kōmadmōde wā in COVID-19 eo ñan armij eo ej wā (injuran an kombani, Medicare, Medicaid, HRSA COVID-19 Burokraam an Ejellok Injuran ñan armij ro rej bōke wā eo im ejellok aer injuran).

## **IA EO IMARON RIPOOT MELELE KO IJ LOMNAK EWŌR KOOT?**

Kajojo armij ro remaron jelā kin jabdewōt ruprup in mennin aikuj ko an Burokraam in Wā eo an COVID-19 an CDC emōj rōjañ aer ripoot kaki ñan Opij eo an Rjermal eo ej Etale (Office of the Inspector General), U.S. Department of Health and Human Services, ilo 1-800-HHS-TIPS ak [TIPS.HHS.GOV](https://www.hhs.gov/tips).

## **TA BUROKRAAM IN JIBAÑ JEN JORRĀĀN REMARON LETŌK?**

Burokraam in Jibañ jen Jorrāān ko Remaron Walok (CICP) ej juon burokraam an federal emaron jibañ kolla wonnen taktō im jejetin wonnen ko jet ñan jet armij ro emōj an kauwōtata jorrāān ko aer jen jet wūno ak wā, ekoba wā in. Ekka, jej aikuj lelok juon claim ñan CICP iloan juon (1) yiō jen raan eo jar bōke wā eo. Ñan bōk melele ko relablok kin burokraam in, lale [www.hrsa.gov/cicp/](https://www.hrsa.gov/cicp/) ñe ejab, kūrlok 1-855-266-2427.

## **TA JUON KŌMELIM ÑAN KŌJERBAL ILO IDIN IEN (EUA)?**

EUA eo ej juon wāween kōlaajrak an wōr im ad maron kōjermal mweiuk in taktō ko, ekoba wā, ilo ien idin nañinmij ko rejelōt armij, einwōt jorrāān in COVID-19 eo kiō emōj an jelōte aoleben lal in. EUA eo ej jibañ kin kōjella eo jen Secretary eo jen Opij eo ej bōk eddon Jermal in Jibañ ko ikijen Ejmour im ñan Armij (HHS) ke emōn an wōr wāween ko rej kamool ad aikuj mweiuk in taktō ko ilo idin ien ilo ien jorrāān in COVID-19 eo kiō emōj an jelōte aoleben lal in. Juon mweiuk eo emōj kōmelim ñan kōjermal ilo idin ien ejañin de bed ilo kain etale eo jen FDA einwōt juon mweiuk FDA emōj an kōmelim.

FDA emaron lelok juon EUA ilo ien etōbrak jejjetin wāween ko, im ekoba ejellok wāween ko jet rebwe joñaer, emōj kōmelim, im ewōr. Im bareinwōt, kelet eo an FDA ej ekkar ñan aoleben kein kamool in katak ko an science ewōr im rej kwalok ke mweiuk eo emaron jejjet an jermal ñan bōbrae jen COVID-19 ilo ien jorrāān in COVID-19 eo ear jelōte aoleben lal in im ke jibañ ko emōj ad jela kaki im remaron walok jen mweiuk eo elabok ad jela jen uwōta ko remaron walok jen mweiuk eo. Aoleb wāween kein rej aikuj tōbrak ñan kōmelim an mweiuk eo jermal ilo ien jorrāān in COVID-19 eo emōj an jelōte aoleben lal in.

Juon EUA ejejjet kūtien ñan aoleben ien kōjella in EUA eo ñan COVID-19 ej kamool ad kōjermal mweiuk in ilo idin ien, ijellokun ñe emōj kabōjrak ak jolok (alikin innem mweiuk eo emaron jako ad kōjerbale).

Emōj an kar kōmman ñan:

Novavax, Inc., Gaithersburg, MD, 20878

C20101US-001

Emōj kōkkāāl melele: Julae/13/2022

©2022 Novavax, Inc. Emōj dābij aoleb maron.



Scan ñan pija ke Peba in kin Melele ko Rejimwe emōj kar lelok ñan armij eo ej bōke wā eo ñan rekoot in taktō ko online/kein jermal ko kin melele in wā.

GDTI: 0886983000370